


香樹齋詩集

PL
2705
I378A17
1750
v.4






香樹齋詩集卷十

嘉興錢陳羣集卷

和東村集陶韻

敗衣不掩絮白石硯癢飢興來忽欲嘯樓臺亦陸
面平生抱拙志聊賦詩揮杯樂賢聖時復一
中之卓犖志清曠遠意若爲期握手便宣示往往
遭詬訕及茲春遊晚車馬遲遲迎繁仍送別
首如含悲佳節未可任老至不自知親兄親與
立曰王玄甫詩有特選其一經選



香樹齋詩集卷十

嘉興錢陳羣集齋

和東村集陶韻

敝衣不掩骭白石匪療飢興來忽歌嘯悽至亦漣
漉平生抱幽尚述志聊賦詩揮杯樂賢聖時復一
中之卓犖恣清曠遠意若爲期握手便宣示往往
遭詬嗤及茲春遊晚巾車駕遲遲迎繁仍送謝俛
首如含悲佳節未可任老至不自知課兒親典籍
豈曰工文辭黃金有時盡何如一經遺

晴嵐學士示姚三崧編修奉太夫人移居詩

次韻

君年方強仕戀母歸故林晨疏陳微悃夕裝遂初
心圓憶廿載客有夢空勞尋蔣花翻階前樹草滋
庭陰晻曖遲日景睍睍好鳥音人生在至樂能不
輕黃金 清時敦孝治能不遺華簪

築室皖城北雉堞延山光清娛集賓館爽氣生書
堂舞迴錦照席霞飛彩流裳上壽來仙侶奉藥出
玉箱一言旣傳要百琲何由償主婦善斫鱠穉子
能鳴薑嘉辰屬仁里紫鳳相圓翔

高歌叶清徵曲奏休洗紅自顧本秋籜乃敢承春
風恐負夙昔期勝慮多成空偶叅堅固義弱草匪
飄蓬執陋抱燕石齊物混楚弓汲泉候新瓜芟蕪
憐故叢亦知方輪滯未識九術通握手鏡機子卜
隣祝雞翁一別青雲端高卧空山中因之托寒羽
持以比鳴蟲

松

忽忽端居又一冬題詩便憶故園松性情癖與煙
霞合天地恩從冷澹濃要使清標長不改何妨衆
卉也相容寒山遠望青葱處强半高僧野鶴蹤

恭和

御製柳絮元韻

柳條纔壓帽簷巡柳絮飛飛渡遠津已逐游絲飄
萬里還隨榆莢舞三春撲來畫閣花間蝶點入清
池鏡裏塵一種閒愁付長笛天涯誰是未歸人
着世寬然比一稊浮雲幻影豈全迷翩翩過眼無
多子渺渺行空自遠兮幾片如煙散清曉千堆似
雪擁長堤春犁半夜廉纖雨小巷明朝踏作泥
乍糝離筵似鬢霜晴時已暗讀書堂飛揚忽憶退
之句飄泊真如白也狂布地粘天非爾力因風逐

水爲誰忙由來變化含生意縱使春陰亦未妨
風時玉屑散依霏入硯穿簾未易揮黃雀披綿堪
斗軟青桐潑乳欲方肥無端便落還看起有意相
遭忽又飛倘似木棉花可採人間寒女好裝衣
亦知色相兩無窮根蒂能叅可鑒空魚唼浮湛隨
細浪燕銜零亂趁微風沾衣遠道迷征騎掃徑閒
情課贅童唱罷陽關人醉後飛來應帶一分紅

題金慎齋西曹東征贈策圖

東都門外柳如絲送別人歸鞭影遲畫角一聲魚
鑰啓殘星幾點挂紅旗

馬後桃花馬前雪出關那得不回頭桃花本是無情物也逐西風上客裘

鴨頭春水天然綠鐵嶺晴嵐分外青收拾奚囊伴歸篋瓜期遲爾白雲亭

送蔣明經假歸鴛湖

三年抱策寄宮牆自有聲華起六堂急假寧親春水便暫留話別午陰長不將令僕移甘旨要與蓀荃托遠芳孝治卽今徵辟在佩刀終見屬王祥

送尹元長大司馬總制兩江

秦嶺纔看使節回又馳 賜馬訪江梅同朝僉曰

惟公可萬口爭呼活我來共識名醫多秘要只將
元氣好扶培 天章親製南薰搽

上親製五言
長律以寵其行

解慍風傳在阜財

我

皇仁政邁周宣回挽陽和造化權威曲三千歸總
制郡州什伯况毗連公才公望堪長駕民畏民懷
有夙緣他日康功應奏績農書斗粟值三錢

恭和

御製御門日雨元韻

南薰解慍入絲桐好雨知時應碧穹潤澤已欣書

歲稔敬勤益自凜

宸躬重簾侵曉沉金帛長檠連宵卜玉蟲賡和

瑤篇咸志喜周宣雲漢豈能同

畢月同躔仰靜臨滂沱自古况斯今須知禹甸一

犁雨幾費堯階五夜心柳岸漁罾迎溜下茅簷

社酒帶香斟佇看報足連章入飛騎衝泥慰更深

賦得折檻旌直臣

得交字

漢家中葉事玉石竟相淆張禹慚師傅朱雲豈斗
筭挺身屬微賤指佞厲魚然一死爭倉卒千秋定
泰交直聲流螽簡折檻在螭坳斷擬同漁罟投應

比漆膠轉圜風可掇曲突喻終拋杜舉平生感因
之賦解嘲

送蔣恒軒少宰巡撫湖南

偶移講席掌風雷江漢爭傳使相來去日斗杓隨
旆轉到時石廩見雲開南交門戶尊天吏東觀才
華應上台報國勲名須努力花前且盡故人杯

題家挹清小影

分派出臨安清門世澤寒詩人正席吏隱士折腰
官曾識鬚眉古誰傳襟袖寬笑他閔仲叔猶自累
猪肝

題陳上舍對牀風雨圖

清漣居士神仙儔下直鍵戶耽文修誰歟同志古
太邱曰紀曰諶皆從遊隣街老屋竹石幽牙籤插
架供討蒐有時流覽發高唱卿相徃徃迴鳴騶君
不見范堯夫喜近賢士孫與胡貴日猶傳幼時帳
燈煙如墨色模糊又不見膠西相下帷廣川抱所
尚有園不窺經三年天人一策義何暢今日雞鳴
風雨聲他年宰府會同徵好攜挂柱三升酒來訪
坡翁八尺藤

題畫

隄外行人木末雲中遠騎山頭對面花光似錦染
衣水色如油

疊疊青山臨水霏霏紅雨連村倘許圖中著我春
遊定到黃昏

寄懷同年宋西班太守

移疾卧梁苑遺經授孫子身處夷惠間情適悲喜
裏榮祿世所慕一笑如敝屣始知作郡去爲訪衡
山耳

弱冠交老蒼師資有醇儒高睇邈流俗抗懷講唐
虞端居念舊侶忽枉山中書書中言相憶珍重復

何如

尊酒寄本性槩槩皆天真不謂當晚近乃復見斯
人未覺軒冕貴因知鳥魚親嗤彼勞勞者不于迷
前津

宦遊到遼海曾訪管寧宅歸攬盤谷勝相對何悅
懌一卷東征詩愛之如尺璧縱復上注來肯過二
千石

恭和

御製對雨元韻

聖敬感虛空如絲自叶桐逋涼來石燕振滯發豐

隆已見珠跳瓦無須水接筒綠簑攜釣具賴背趁
田功似此心先慰因之望不窮萬方同仰澤難盡
是

宸衷

題晴嵐光祿桃花流水扁舟圖

石門鑱深翠中有神仙窟結紉互煙雲風日想懷
葛洞口花正繁紺乳時一潑仙人張志和游戲弄
出沒偶坐舴艋子飄然露丰骨平川幾千里望春
春不歇始知天地奢生意常勃勃西疇土脈膏東
作事耕垆平生濟時具隱隱思轉幹願借不繫舟

化作航海筏

德司空太夫人八十壽次西林相國韻

鶴髮宣文出絳幃鵷班鳳管列成圍月卿子舍供

丹蘄

令子司空前輩

星使孫行獻繡衣

令孫給諫奉使巡視海疆

天

筆褒勲爲介壽相公述德與停驂太平釀作人間
福今有何妨古亦稀

秋日喜退齋少宰晴嵐光祿過雙樹軒小敘
風林纖月尚藏鈎剝啄人來此小休冷澹交情偏
耐久蕭疎門巷只宜秋捲帷討古資修綆緩步尋
花豁遠眸我懶且愚還廢學故應畏見賈長頭

經旬花竹夢郊居高閣誰傳到小車隨意槃餐歸
直後重陽時節午晴初蛩吟近牖添秋思鴈字排
雲下碧虛多謝柯亭舊同侶姓名記石未遺予

冬日同謹堂少司馬晴嵐光祿虛亭祭酒宿
煙郊村舍

去年秋九月隨 蹕此焉駐今年迎 鑾來復問
三河渡是時冬欲深澤腹猶未固長虹亘津梁潞
鄴自奔注僕夫稍南指村舍投薄暮年豐有雞豚
俗儉守樸素秫稻高於簷明流淡如露同旅作比
隣來往不數步杯斚進陶匏行李雜農具田家有

真樂令我發深慕我本山中人幼服勤稼圃遭逢
堯舜君仁孝日布濩大道束諸峯東得上陵路
歲時萬乘來不廢耕歛務老充侍從臣竊喜駉

駉附倘許假年期斯會料應屢

明流酒名

聖駕東巡盛京恭謁

祖陵大禮慶成詩

五言律三十首用上下平韻謹序

欽惟

皇上德配苞符功隆位育建其有極歛五福以錫
庶民奉三無私懷百神而柔喬嶽邇安遠
至旣道濟而知周禮備樂明復本仁而率

義謂我

發祥遼海正位興京如太陽之出暘谷歷上

春而照八荒如洪河之導崑岡經九折乃
行中國源遠流長譜系在履武生商以上
義章志敬羹墻在郊堯宗譽之先萬代所
瞻

三陵相望一十二州清淑全萃幽營二十八宿精
靈適當析木嶽祇瀆鬼趨

原廟以朝宗虎踞龍蟠夾

橋山而拱護妥陟降之神與天同體衍肇基之慶

應地無疆洪惟我

聖祖仁皇帝三親玉趾瞻松栢之丸丸亦越我

世宗憲皇帝一奉綸音拜几筵之肅肅

皇帝欽明繼軌健順同符敬侍

慈闈聿繩

祖武時維月吉當萬寶之告成諏彼辰良駕六

飛而順動金支秋麗雲霞捧華蓋以飄颻

寶扇晴開日月照鸞旗而絢爛幔城所指

黍谷迴春黃屋俯臨蒼生望歲扈千官而

逾大漠從七萃而詣陪畿吉日旣蠲明

禋肇舉鱗筍毛虞奏厥和聲雞勺虎彝陳
其德產惟

孝子爲能享

親鄙黍江茹各以其職來助斯

聖人祭則受福東鵜西鰈可致之祥畢臻遂開明

堂肆覲東后天揖土揖時揖大集禹甸衣

冠鬱齊醴齊盎齊侑以周庭笙瑟挹湛恩

而不竭視大賚而彌光愷澤可待於下流

至仁不遺於一物法

祖受釐介十千年景命與民同樂遍億萬里提封

由發軔以至廻鑾節氣歷秋冬成易抵
龍庭而還鳳闕經過皆錦繡河山四海

永清

一人有慶明於禘嘗之義庶事康哉欣逢

仁壽之君大孝備矣夫時雨將降柱礎猶知大樂

旣調跂蹠解舞矧

臣

職列卿班躬覩

盛

典聚百順而致四靈遠駕元和聖德撫三
唐而規兩漢愧非吉甫歌詩雖繪天畫日
蓋非筆墨所能而藹向葵傾亦其精忱所
結謹拜手稽首而獻詩曰

時邁隆禋祀巡方首在東豈惟尊舜典亦自守豸
風諏日剛柔協抒忱肝鬯通百年興禮樂大孝備
皇躬

其一

王氣千重結神臯實所鍾挿天高一柱拔地起三
峯長白當蹲虎巫閭拱卧龍圖經金鏡在萬派仰

山宗

其二

水勢天然勝縈迴抱此邦南趨朝少海東迤走三
江析木星辰會箕封教化厯百泉流脈遠鳴玉自

淙淙

其三

七校臨秋發黃雲四野垂雨師先灑道風伯肅清

馳大漠如弦直周廬戴月移

聖情多悅豫傳與百僚知

其四

一人隆孝治色養奉

慈闈野老將芹潔番君獻雉肥細旃承子舍衮服

尚萊衣十二天閑馬和鸞過翠微

其五

聖勤天所縱左肅集車書批答

綸音捷諏諮

清問虛尋詩秋柳外校射晚涼餘右史鄒枚侶濡

毫富石渠

其六

環衛諸藩集琬弓帳殿趨傾葵迴日照獻壽効嵩
呼燈映千潭月歌繙一串珠邊民懷

祖德今日慶同符

其七

開運基王業興京輦路西千秋避風雨萬族感

鳧鷖松栢長如幄雲霞自作梯

曾孫親薦幣穆穆契天倪

其八

禮行於望祀清蹕肅清齋北鎮牲先視東維璧

可埋哀時諸政舉受職百神皆呵護山靈效

皇心亦孔諧

其九

祖功艱締造天眷重扶培草昧真龍出風塵寶劍

開五雲生

饗殿萬壑赴泉臺祭畢猶凝睇雄圖亦信哉

其十

層巒平敞下 隆業鬱輪囷 彤史尊丕顯 蒼生感

至仁謨謀

三代遠著作 百年新佇想

皇誠展師師 助慶禋

其一

典禮隆殷薦 光華紉素雯 綏成歌下武 疏配頌思
文闕寢香醪 徹寒楸 曉炬分

盛朝追遠事 直欲陋云云

其二

先皇潛邸日 奉命謁

陵園 昔感無聲孝 今歆

有道孫 職方修備物 率土荷

隆恩 自此移風俗

誰能外本源

其十

更敕功宗祀惇崇逮下寬策勲盟帶礪開國際艱
難褒鄂森毛髮伊萊儼佩冠一從邀錫類感激動

千官

其十四

星旂臨肅慎父老拜

龍顏暖氣廻青女恩光上翠鬟盛傳

天子幸樂似主人還譜出迎

鑾曲輿情極仰攀

其十五

作賦抒宸藻鴻濛赴筆先所憑長在德所寶亦
惟賢殷室書傳亳周家史載瀍瑤編真邁古慚愧

鄭毛箋

其十六

升中尊法座清漏曉趨朝侍從仍隨豹嫖姚盡珥
貂官儀依舊最世德奏新筩仰見罍罍外祥光靄

慶霄

其十七

在竊君臣樂歡聲或載呶蓼蕭天上露燔炙大官
庖忠告聯賓禮昇平重泰交陪京朝會地磐石

輦桑苞

其十八

濱海東藩國由來稟食毛同仁明詔下邀福使
臣叨日近無私照天高有覆幬臯頭江水綠遍灑

作恩膏

其十九

庶事 親裁決黃封日捆馱早傳行帳裏猶問夜

如何俗阜雞豚接年豐秉穗多幾餘遊伴與歌詠

矢卷阿

其二

恩從崇政下紉縵有光華塞艸知生意春風長道

芽雞竿迎赤縣 鳳詔拜黃麻遼水沙河路懽騰

十萬家

其二

慶賜循周令今開 內府藏水衡司後乘文綺拜

承筐豐沛多新賚南陽是故鄉願留十日駐牛酒

會千塲

其二

翠輦經過處蠲租并薄征非邀路旁譽爲勸野人

耕白屋鳩先喚黃昏犬不驚康衢歌

帝力能感未能名

其二
十三

下令修軍禮熊羆走駭霆八宮師后陣兩翼法羲
經武庫光凝紫兵韜氣結青承平有如此萬里靖

王庭

其二
十四

春色來天上恩波遍大凌虎賁齋白鏹台背被紅
綾振谷歡聲動投醪勇氣騰賞兵還餉老德意况

頻仍

其二
十五

矍相曾觀德騶虞上射侯應弦當滿月屬羽正高
秋七札心皆貫三聯勢可收多能真

聖武俛首伏諸酋

其二十六

肯構思前業當年燕翼深茅茨承

祖制黃瓦豈

堯心君德修思永民時授必欽家傳十六字紹述

匪斯今

其二十七

瑞符長在握玉檢不須探布濩恩膏浹從容要道

叅健行惟用九郅運自登三第祿膺天眷昭融樂

旣湛

其二十八

皇仁同怙冒舉念及窮檐雪色寒初近春聲夜更

添葭應飛玉琯星已燭鈎鈐

天文書王者孝則鈎鈐明

望幸依

升日都人盡仰瞻

其二十九

銕驪回輦路平掌少嶄嵌日影金根耀嵐光綵仗

銜慶成旋玉闕紀盛溢琅函萬國歡心合敷天

感至誠

其三

春帖子詞

愛日依丹陛

慈雲護玉墀纈成千勝葉先上萬年枝

陪京風月切蓬萊盛典巡方慶八垓借問春從

何處到鑾輿親自日邊回

閏餘歲序至如川又見貞元應瑞編長養風吹通

蜡後晴和日近浴蠶天

送張約齋少宗伯予告歸桐城次桐城相國

元韻

車馬東都行已成先生人與職俱清品題泉石從

吾好歌詠昇平見至情奉養家兒先予告

令子方伯公於

前歲乞假

圓籍奉母明農元老未歸耕首行命婦齊眉好拄

杖攜孫度閣迎

盛事傳家紀宦成故園雲水領雙清薦賢自代同

朝疏 詔可君恩千載情閑課定修諸子職春遊

便勸野人耕一時謝姪何甥在隨意林亭有送迎

送春日過退齋邸寓送盧抱孫同年之官保

陽

人來塞外正花時又拜新恩試一麾
春色要依良吏去別懷先與酒杯知
遼東獨鶴歸偏疾日下雙鳧晚更移
着耳輕雷過麥隴隨車甘雨未嫌遲
遇擔上芍藥買數朶歸口占

寢興忙裏度年華兩眼惟憑案牘遮
常閑一春無好雨誰知滿市有名花
舊磁重拂堆寒玉小几新添護紫霞
何日如酥看遍灑好馱細馬訪田家

恭和

御製四月朔日作元韻

鳩聲連曉急，薌薦事初過。
榆莢飄無數，雲容竟若何。
枚文傳珥筆，是日召試翰詹臺省郎官諸臣閔雨托新哦。
佇想滂沱遍，欣瞻玉藉禾。

恭和

御製進宮見路旁麥苗待澤孔亟，秋禾尚未佈種，
怒焉有憂賦以自咎元韻

龍見舉正雩肇祀，本祈歲。明詔曰：躬親盛典，考
傳記，水旱如身，瘝胞與引已累。昨者諏良辰於焉
戒趣，司遵塗肅晨征，寓目觸深，寄晴莎亦懷新稚。

麥自標致縱含承露姿終披待澤意甘霖實未沾
嘉種恐徒備傳聞殷周興閔雨感祥瑞至今雲漢
篇風詩義所繫宸章三復餘臣職益難置願言
拜豐隆幸勿阻屏翳沛然降自天如酥必到地王
省首庶徵帝鑒消差戾宣茲百六言敬爾聽三事
近臣仍叔才蘸筆一詮次

懷西玃

大火西北流清風送長夏端居懷友朋結念此靜
者自君移疾去歸卧嵩山下孤夢違丹扉狂吟
聯白社有時寄登涉代步或乘馬心遠豈辭偏賞

獨寧論寡終期上注來重理花前竿

孚嘉世講以陪祀賢良祠詩見示次和一首
用志先業

十策東都定一生 兩朝魚水見深情
皋伊自比如山重
羣鶴相隨似葉輕
功勒河渠垂琬琰
節馳絕域有逢迎
莫言楚相家何在
猶見文孫宦玉京
衣園中丞晴嵐銀臺於扇上
合作枯木竹石
贈延清總憲次延清韻

誰將懷裏珍捉筆綴青玉
迂叟仿初成
丹邱肖更酷
寒林葉正飛
幽篠陰猶綠
遠煙滌霏霏
清音鳴

簌簌怪石如佳人翠袖倚修竹對之遣煩歆少焉
醫凡俗嵌空琢雲根欸厚截解谷靈異苟在腕所
得不盈掬萬丈神可追數尺勢已足希聲悟無絃
奇服矜可欲澹抹餘蕭疎古皴孕深曲豈惟供跋
紀直以資眺矚連翩臺閣才管領書畫局以我廁
其間如牛已饜菽偶來寶山遊幾眩窮子目臨妝
驚尹邢樹壘觀羊陸申紙請再爲觸暑未敢瀆昔
避舍已三今老年近六勵衣張晴力旣齊劉錢總憲
及予韻相續聲名附驥尾流傳等寓木何當叩伯
也

陽序次標卷軸

乾隆九年六月

上以御製墨蘭並題詩一首 賜左副都御史臣

勵宗萬 因得敬閱恭紀九韻

時雨遍四野炎熱淨塵壒南薰適幾餘觀物得寧
泰 天筆召墨卿便與真宰會國香几席呈坐挹
空谷晁其氣何揚揚其葉何肺肺澹泊含芬菲姍
娜發晻藹當午懸高齋徑草掩晚靄自非臺中賢
誰能拜 清賚永承玉署暉名位占未艾

藕絲次橫山副憲韻

迎刀雪色斷還連纔吐春蠶未作綿情緒無多誰

引惹齒唇偶着便縈纏妾心似藕何曾染郎意如
絲到處牽夏薦筵前低語謔漫將白髮比新鮮
春葱初綰似勾留清緒真同詩思抽采芰製衣煩
補綴舉杯飛羽共沉浮衰齡翰藻應羞短盛世牛
毛那比稠狂欲呼童相引去風前栩栩列仙儔

題茉莉

暑風斜日鬪晴芳氣味能生枕簟涼一夜秋霖愁
未採曉來隱葉白於霜

恭和

御製夜雨元韻

浪浪甘霽似珠流按轡豐隆徹夜游自昨

恩綸專撫恤從今

睿慮到田疇倚爲晚熟催耕急添得貧家借種愁
聖主當陽籌府事陳謨要識在惟修

恭和

御製甘霖旣沾詣 暢春園問安恭慰

聖母望歲之誠并成長句用誌 盛德元韻

曾頌 明旨下彤庭日厯

慈懷仰惠寧典禮正隆三祀舉甘霖上應百神靈
母儀萬國先憂遠天貺吾

皇至治馨喜雨詩成傳 盛德千秋宮史永垂青

恭和

御製秋夜泛湖賦唐文皇爽氣澄蘭沼之句得詩

五首

夕川氣溶溶霽色遞微爽新月涵清暉餘靄滌萬
象翠深拂遠慢峯淨排秋掌

聖情愜靜寄於焉一俛仰

俛仰思古人元音感何旣荷香浥簾初桂露沾衣
未所得自無多卽事良可貴理榜始增波虛明豁
林氣

林氣夜更澄穆然遐睇凝霏霏金莖露融融玉壺
冰至妙如可掇幽探靡勿勝好風動禾黍撫序期
秋登

秋登望何極迴櫂遵前灘華滋發晚薦雜佩攀芳
蘭幾暇非屏務遊適乃任觀緬往契前躅眺聽陳
餘歡

歡餘薄言旋裴裒駐星沼仙居違只尺蠟影露分
秒遣興洵多諧暫閑豈真了爲問夜如何檐際蟾
光皎

恭和

御製泛月有作元韻

清遊命蘭橈桂魄浮玉渚好風若爲期相遲一相
許言尋菡萏洲極望蒹葭浦流螢時近人水鳥自
呼侶高致寄晴波

宸襟澹容與天香灑空中靜裏資聽覩

恭和

御製九日奉

皇太后登高元韻

節屆登臨候秋光到面前綵衣迎鳳輦仙樂簇
香筵籬色黃初鑄山容青可延

慈闈今有慶萬寶獻豐年

恭和

御製九日題菊花韻

菊本神仙食秋來亦可人千名添譜牒九日更情
親村落家家富階除葉葉勻自邀 天筆賞花隱
豈終淪

爲天瓶大司寇題項孔彰仿韓晉公五牛圖
一牛低頭就杻桺似着癢處來搔爬一牛下坂氣
不駮尻高朕起何襪襪項寬二尺如布袋其一長
身負千斤墨烘赭石玳瑁紋其一欲行行且顧思

食細草舌一吐最後一牛角不岐鼻孔綰以雙紺
絲鈎輶千聲農事急縹軛待爾當扶犁韓公移鎮
銷強藩羽書織絡戎馬存乃能遊戲弄筆墨不畫
老驥畫烏犍吳興三跋不可見誰將能事留生面
項翁好古復師古剡藤寫出全牛五或放水草或
金絡束縛散漫皆有取君不聞白石歌開門迎客
火光燭夜半單衣三擊角又不聞漢邴相出見毆
者如不知停車一問春和時涇南尚書袖此卷
禁中邀我同一展詩成試取作蹄筌何年并跋韓

公本

恭和

御製秋日奉

皇太后遊玉泉山周覽西海近郊獲事卽景賦詩

十四韻

獲事周原早言觀正及辰金支隨法駕仙仗指

天囷

聖孝歡承永民勞歛必詢百靈齊警蹕萬井叶吹

闕

懿德遵堯舜

慈懷一拊循當寧方待澤禱雨荷

躬親自昨誠先格今茲願已申再鳴銅雀候一豫
玉泉濱雞犬村莊古桑麻風俗醇印文溪詰曲錦
色石嶙峋擊壤田家樂釣天畫裏身漁歌腔自遠
錫笛韻皆真入饌霜杭潔迎杯露菊新居然懷葛
世特地與留春

駕幸翰林院分賦得講字

輪奐起奎垣螭鰲迎御棒向榮柯發條濬胍井
通港周孔會精神堯湯齊背項山輝玉韞煙川媚
珠胎蚌籲俊重旁招經邦資坐講所希鈞化鑪俗
厚銷爭鉅

恭和

御製駕幸翰林院賜宴分韻聯句後復得詩四首

并示諸臣元韻

瓊筵晨啓坐生春

聖主親賢比握珍
鴻運百年興禮樂
鹿鳴初什答君臣
袖中鰲禁香煙裊
庭際瀛洲草色新
挿架

賜書千萬軸
小留天步到檐巡

璇題雲構好栖鸞
環侍羣仙七等冠
優渥恩綸真異數
琳琅新句許傳看
文光直上應千尺
和氣融來是一團
不漏蓬壺清淺水
也隨學海助波瀾

賡歌體製擬珠聯百六詩成第一篇步輦初臨瞻

至聖頭廳並遣謁唐賢

院署有愈祠是日

孔子神廟韓

瞳

隴日影浮鷄樹澹沲風光上鶴煙不到五雲清祕
地那知人世有神仙

共欽

聖德日昭融提命諄諄感寸衷縱有心期思樹立
慚無學殖答登崇承筐賚予恩光徧申宴叨陪
弗祿同楯陞千行誰不羨幾生修到玉堂中
帝臨四章章六句

斯文之府斯人之林月良日吉大壯厥瞻

帝臨視兮落以雲咸

一解

雲咸旣成載歌紀美侑以三爵飭以二簋魚在沼

兮鶴鳴于囿

二解

天子穆穆元臣雍雍百辟卿士式道攄頌汝爲汝

翼一德在躬

三解

賓旣醉止儀亦右止于胥樂兮從官稽首從官稽

首保世曼壽

四解

棘之光六章一章八句二章四句三章七句

四章六句五章六句六章四句

鼓淵淵鷺于下棘之光耀青瑣羽林芬門豁聞天

馬來旂旂旒

一解

百川溶溶海之歸萬舍鱗鱗士所依
罍鱸鯉兮羅

鱸鯉指春秋以爲期

二解

惟士近光惟

皇造士若作室材杞梓珠不脛走通市藹藹王多

惟所使

三解

魚魚雅雅多士之心寫雅雅魚魚多士之歡娛山

從隆兮百卉殖聚而升兮有孝德

四解

繚垣庫舍

皇則式之誕告司命慎黜陟之我明四張取士其

必得五解

瞻彼飛鳥集于中林青青子衿實勞我心

六解

長至前二日齋宿仁壽寺示

誠兒

自汝攜襖被就此城南業朝回暮色沉呼喚無人
接初猶頗未慣繼乃覺已輒子舍迹偶違學圃心
所涉咫尺竟成念忽忽如不愜今宵陪祀來齋房
設妥帖不謂禪榻旁孫志親鼓篋殘雪有餘暉老
樹無剩葉短檠一吟哦長廊還步履載賡退之詩
朔風鳴獵獵

仁壽寺贈史上舍時與

誠

同肄業於此

上舍東閣才下帷節已折自恨少也孤文奧未窺
闌筍束父書來辛苦甘嚙雪京兆試不利對我忽
怡悅謂當卒所請詎惜才旣竭師彼石徂徠十載
鄉問絕我愧范履霜屈爾諸子列貫串寡所儲欲
叩更何揭願工門內車行合門外轍燈煙共宵分
留帳他年說

小除夜詠懷用延清總憲冬夜詠雪韻

撫序歲方晏積雪回庭陰家累并老懷世慮嬰冲
襟省德集愆悔任遇遺升沉所懼心力短難究物
理深有時發清興托意聊孤吟嚶鳴求其侶豈不

懷好音自非兼金固寧謝華髮侵寄言與松栢眷
茲女蘿心

香樹齋詩集

卷十

三

香樹齋詩集卷十一

嘉興錢陳羣集齋

春帖子詞

觀象三辰正
勤農萬彙昌
綵幡風乍習
愛日影方長

太平臘鼓動
春雷花信連
宵次第催
丑是歲辰逢
正色土牛今
見順時來

彤墀萱草抽
三莢瑞紀天
官第一巡
白獸樽前齊
上壽蒼龍旗
外又迎春

乙丑元旦詣翰林院謁 至聖祠次延清總

憲韻

斯文有專寄廟貌崇兩府

翰詹兩署並得立祠

象樽薦黃流

金鋪啟丹戶祔分配哲賢禮略東西廡圖書之窟
宅才彥此萃聚陰森樹木深剝落碑版古毓秀百
年來時時見化雨我

皇統緒承昭格神所主文杏斲棟樑采獲煥楹宇
落成枉

車駕燕鎬紀盛舉白慙駑鈍姿敢與臯夔侶願持
一寸心陪祀千秋俎華國在匡時穆然企治譜

退齋少宰招觀方南藩伯抱孫都轉奕以齋
禁未與代柬走謝並訂後期

小會朝來折簡新誰家賭墅苦留賓莫將一着爭
先後要以全槃論屈伸勞動多情天上客殷勤傳
語橘中人好憑赤脚攜雙鯉更約燈前共漉巾

恭和

御製新春試筆元韻

莎畦七種露新芽下直人歸賦雪車秘閣祥煙浮
栢葉晴階淑氣上梅花詩成 禁籞飄瓊屑幡轉
回廊映綵霞一簇茶歌闌巷陌太平秧馬又喧譁

恭和

御製新月元韻

影傍纖阿欲引繩春宵坐待已如應斜侵簾額光
初入遠映柳梢清不勝天際二分聯北斗雲端一
掐研南綾何人琢出銀鈎樣好掛鰲山萬璣燈

試燈夜同人集雙樹軒酒後踏燈分得金字

池字

春宵多不速小會况招尋酒薄來千里

盧抱孫餉家製酒

厨荒愧一金共諧無俗韻聊以愜清襟瀟灑成佳
節何曾藉眺臨

乘興欲何往銅街小步時風高飄法曲月冷浸瑤池
老謝隨車約閑繙聽鏡詞徵歡知不少誰識此
心期

題同年盧抱孫刺史出塞圖

寶劍不識玉鐵堅壯士不識從軍惡入關尚載出
關圖微意分明寄所託驅馬陰山陰飲馬長城窟
風吹草茫茫鴈叫天漠漠秋笳數聲來平沙列萬
幕此時顧恩不顧身渴飲葡萄飢飲酪歸來卧治
擁專城灤水明霞映秋閣平原麥秀野花深此景
亦差不寂寞嗚呼欵段馬下澤車人生何必騁雄

略狄山乘障尚不能豈有功名比衛霍一窺邊塞
亦偶然但覺詩篇驚磊落慷慨爲君題此圖仰天
大笑寒雲薄

退齋少宰歸陽城後代柬寄懷

到日黃梅雨及時南陔草木自含滋
九重教孝恩無極三復

親裁華黍詩

山城如斗翠雲堆盡日車輪轉百回不羨橫山顧
居士侍郎今築讀書臺

堂堂別我去如春握手臨岐語最真衰朽未歸應

有待會當重見黑頭人

次韻景菴罔卿齋宿卽事

闌藥翻堦照眼紅
遠雲釀雨鎖空濛
乳鴉叢薄試新語
細馬城壕鳴晚風
暫御昔年慚罔正
寅清此日凜
當躬舊題詩處尋
鴻爪回首重樓似夢中

題沈敬亭同年虛直圖

年來佐秋官
遮眼堆案牘
况當溽暑蒸
揮汗驅三伏
展君虛直圖
豁然暢心目
托意在林石
靜對數竿竹
看書風自翻
候火茶正熟
坐令塵垢蠲
卽此媚幽獨

題蘇武牧羝圖

鵝毛亂點雪片麓射人朔風金僕姑官屬別置絕
叫呼悲哉子卿爲人俘受羊三百司牧事鞭就水
草草則枯八尺之節六尺軀嚙羶不死真壯夫地
用旣無生角馬飛者更無頭白烏羝不乳兮不可
圖野鼠作食延須臾於軒愛弟新單于小隊自領
千龍駒明朝會獵其來乎

題介學士野園圖用東坡詩韻

君家平泉地親切依蓬萊往時春散直步屨時一
回亭榭有古意竹石無纖埃清風掃幽徑鎮日園

門開西嶺初出沐蒼翠雲濤堆展圖束咫尺遠勢
亦佳哉對茲懷昔遊題詩聊一杯還與主人約有
興當重來

題畫

江南三月東風吹春山深處無人知塢連水複雲
影澹天光晻藹飛游絲雨晴到處啼鳩婦聲聲閒
桃復閒柳居人都赴鄰社約門外閒然靜雞狗狂
蜂舞蝶爭喧譁各各亦自營其家記得朱陳村裏
路抱村流水板橋斜

晴嵐閣學奉勅作五君子圖

御製七言古風賜之恭和元韻

禦攘冰雪完精神扶輿醞藉得本性爭春凡卉不見容不容末耳庸何病

聖人真賞契後凋類聚標名寄清興譬如貞觀慶曆間房杜姚宋魏潞鄭左縈右帶若挽推分投林立同季孟臣霽奉勅爲斯圖鉛華洗盡貌端正樹耶人耶德操同庶幾於此觀爲政

題晴嵐所畫墨水仙次延清韻

梅花發嶺上蘭葉披江干况此凌波質肯受塵俗攀年輩揖仙子奴隸斥山營遺世方信潔獨賞始

見難墨痕孕尺素自餘冰雪寒不石復不水相對
陳古歡

題鍊雪銀臺爲謹堂大司寇畫墨梅小景

小鳥來東海國香發南枝臭味有相契招尋亦何
爲高棲任所擇毛羽冰雪姿君子抱本性如與嘉
樹期遠回雲壑夢要使几席隨笛中吹未落帳裏
開正遲清標森玉立淑氣消寒威餘事付鼎鼎倚
作和羹資

恭題

御畫盤山橘樹

洞庭秋正深千奴傍江碧何期瀟湘姿飽着田盤
色名異味不殊氣王地偏得宸遊一賞之細霧
生几席放筆傳其神灑此萬杵墨磊砢核可懷寒
翠露如滴臣本漆林材托根在南國嘉樹得敬觀
臭味感相識詩成退食餘沁齒流香液

長至前二日陪謹堂尚書齋宿白雲亭枕上

偶成

斜陽鴉背上重城喜近衣香接履聲秋署平反期
愼恤容臺先後凜寅清余時兼攝春官尚書曾居是職夜寒潑水

疑三白曉直因風數六更

萬乘明朝躬祀典天門南望左街平

陪懿齋延清兩總憲東長少宗伯齋宿仁壽
寺前韻和延清作

朝隨豹尾出嚴城又聽新移禁漏聲星聚爲聯鵷
侶近院深如對玉堂清西臺領袖尊雙壁東攝人
倫重五更笑我愁癡似頑石一鞭何日下初平

虞山相國官少宗伯時畫歲寒三友圖懸於
後堂並題長律羣攝容臺次韻題後以志墨
寶永爲春官佳話也

碧紗籠處墨光濃三爻曾承長養風勢挾煙雲尊

禮闈根依禁近荷天公韋平世德傳朝右龔隗前
因證畫中門下同官逾二紀敢將腳跡步宗工

謹堂尚書疊白雲亭韻見寄奉答一首

價重新詩抵十城嚶鳴好鳥有先聲松承栢悅交
偏久月映星寒氣自清丹筆老隨青瑣侶華顛春
直建章更朝端鄭潞精勤著玉佩侵宵應協平

春祈龍神廟得雨偕晴崖大京兆行報祀禮
用王荊公西太一祠韻

侵曉風旂旖旎迎暄綠草清酣萬井歡傳雨足重
來報祀城南

衡宇望君巷北鳴騶遲我街西歸路籃輿小憩
遊亭榭多迷

題元圃圖冊子次清漣學士韻

方丈墉城暖欲煙好將元圃問藍田低頭仙子乞
雙璧喚取新豐酒十千

紺乳霏霏海外山吠人雙犬正清閑果然種玉皆
成玉爭似思魚便得鰥

紅樹蒼苔隱畫廊珊珊清珮截鵞肪夜深聽罷雲
和瑟還倚朱欄上八琅

題任香谷大宗伯曝書圖

賜書萬卷足清娛履迹衣香入畫圖第二泉邊風
月在旁人錯比小長蘆

禁近爭傳典冊文容臺禮樂接綢繆閑將國瑞徵
家慶兩見當頭五色雲

雙鶴相隨致不孤春衫隨意掛松株有時一笑穿
雲去小立呼兒當杖扶

新種藥苗低結子舊分蘭畹又添孫他年典禮修
存問束帛蒲輪會到門

沈孝子詩

祝融大威力敎我孝子速孝子居母憂日夜總

哭有客携鏡具楮帛陳一束旣奠告焚帛火光白日燭有風來旋之其烈不可撲孝子當母棺顛仆就地伏鮮民生不逢請厭祝融欲子身無完膚母棺免回祿誰知焦爛餘爲禍亦孔酷長嘆歸黃墟身百其莫贖人生本僇蟲母負而出穀三年始免懷辭乳逐飲啄異形而同根離裏爲骨肉嗚呼今之人各自保軀軀蹈火救母棺厥事真使獨作詩付史官庶以儆食粟

人日病起走筆示

汝恭

兼與

汝誠

兄弟讀之

各賦見志

汝生角方總卽許後汝叔汝叔吾親弟憐汝如抱
犢携汝官豫章行日記初卜別我於公廨盛暑止
信宿扁舟便南指帆影逐野鷺官舍依五年日飽
花猪肉每得汝寄言親切誼所篤上言依戀私下
言受鞠育我雖案牘繁展之必終讀至性披示間
嫌汝少卷軸施教必耳提一紙豈能告昨者計車
來歲除卸裝束弟喜爲見兄辛苦慰家督汝隨汝
叔後已着成人服一堂跪拜歡起立瓊瑜簇骨肉
會面難對之各省錄兒曹那得知謂是等菽粟及
時不自勵稂莠敗嘉穀明當延良師樹柵理家塾

待我病愈後蘸筆榜條目寸陰苟棄擲千金難再
贖我今成衰翁我弟老吏局惟餘兩鬢絲一見一
回禿

上元後一日下直閉門懷人時季弟曉村除
歸州未赴從姪埜堂觀察居鹽官程氏女馮
氏妹聞來敝居度歲舅氏山鶴信至云兩子
頗見頭角兼錄百燈詩見示一官匏繫親串
跡疎喟然長嘆間適謹堂尚書從賜園中寄
新詩一紙云正月十四夜園居讀蘇詩上元
過祥符僧房七絕有一室清風冷欲冰之句

因用其韻成七律五首兼寄凝之粵中宇秀
家鄉余讀之不覺感觸遂依韻仿體分寄所
懷詩成并呈尚書一覽知志各有適而波瀾

莫二云

一室清風冷欲冰誰家庭院賽華燈遠懷五十平
頭客宦味真同行脚僧竹馬早聞迎幼穉檣烏猶
復滯親朋關心兩地愁難遣辟穀仙方竟未能

三杯新釀淡於水一室清風冷欲冰白髮添多留
冉冉青春來早去騰騰偶嘗鄉味兒攜榼爲看家
書白剪燈

適得堊堂臘月十六日所寄信

萬里同官存問疊翹翹

車乘有良朋

同日得黔中當塗諸信俱以堊堂家居爲念

誰倚高樓最上層
啼殘紅淚掩青燈
當檐素萼神

逾雪一室清風冷
欲冰弱女久爲無
侶雁衰翁暫

作放叅僧

封篆後得散直者數日

每逢令序多根觸
老戀桑

榆意轉增

十年前記月華升
羣從多來和踏燈

戊午上元白海坤一受之

黃與諸子集荒齋賦踏燈詩馮氏妹夫婦與焉

笑我蹢躅猶寡暇
憐伊辛

苦爲多能小屏低
語圍初解一室清
風冷欲冰自

有選人催上注公
卿知己覓張憑

聞說經冬雪滿塍
鄉園歲稔兆先徵
丹山最愛雙

雛鳳樂府新翻百璫燈

舅氏曾寄百璫詩索和

豈少潛修標

獨行早看逸足競騫騰須知頭白何甥在一室清風冷欲冰

花朝前一日謹堂大司寇約同詣南苑直

用退之寒食日出遊韻

入春三日我始病病起尋春春未盛昨夜趨直舊紅門東指行宮燈火映林外隱隱路可通風狂要與臺人競吾衰浹月棄紙筆欲傳此致未成詠須臾羣公啟事來一聲春漏銅壺正退食歸來倦且眠屈指輪直明當更尚書憐我少童僕爲遣長

鬚急將命曰請先導備南車絕勝宵征看斗柄況
有雪點飄衣裾郊行喜見農夫慶先生古道夙所
崇先生匪懈吾所敬曩時曾與鮑叔遊才識奚啻
霄壤憂今也病肺老文園三杯引睡中賢聖憂來
妻孥不得窺抱膝獨坐日夜併明明可掇見至理
閭閻中慙慙本性弱鱗衝波氣轉怯瘦鶴當空意
徒橫未逢寒食走郊外春心非草亦稍迸誰規百
里現陸海繚垣匝地平於鏡從畋有 詔不合圍
苑禽獸被寬政柳條凝煙過眼新蘆芽穿泥觸
手勁可知萬物本奢華天地無心隨使令

主恒弟挈四兒出都愚堂馮妹丈及家受之
兩孝廉皆同行是日遣汝誠汝恭汝慤三子

送至長新店余退食蕭齋與老妻對坐口號

二絕句

送行人去當春遊親串團樂第一郵今夜蘆溝橋
上月只知歡喜不知愁

那能成佛盡情拋叉手閑尋舊笑呶絕似衆雛新
試羽老鴉無語坐空巢

送朱玉階編修省親歸里

秘閣早傳三禮賦藝林爭誦九言詩

駕幸翰林院玉階作九

言詩頗爲京都傳誦暫違磚影寧親去正是家園櫻筍時

行篋光輝有賜衣詞臣得假謁慈闈計程却似隨陽鳥纔向南飛又北飛

因君歸去動鄉愁遮眼官文那便休倘見阿咸勞

問訊

時從姪朝采自貴筑歸里

爲言癡叔雪盈頭

德星聚 以星字爲韻

惟天攸好德如月自從星分野聯秦豫荀陳接尹
邢巖生箕可晦甫降嶽分靈慚長非空說爲龍寧
久停象垂五百里道協一千齡正色瞻珠貫同文
比玉亭光華雖在野發越必於廷筮易觀升萃誰

能託渺冥

薌林尚書齋中藤花盛開集同人小飲得堂
字

天邊朗氣到書堂花事清和占早芳散直客來成
不速知時雨過發真香佛衣亂綴千瓔絡仙佩低
垂萬紫囊旣醉餘情未歸去倚藤小坐當胡牀

恭和

御製出古北口元韻

巒嶠左折限燕遼一線天門矗半霄遠勢晴添蒼
隼健輕程秋與紫駝驕千盤廻互山容淨十館更

番士氣調

遼史自古北口東北迤
遲七百里內凡列館十

扶杖關民低笑

語共傳

日類類

神堯

出塞行次景菴侍讀韻

輕馱不律牛馬走爾公爾侯何赳赳文武並重古
所云王者以之得長久自從出塞陟高岡仰視直
可捫參斗番部如雲詣行在一呼百應誰掣肘
北極青海西流沙天仗所指卽隴首

四朝相繼百年中萬里惟憑一吏守歲時貢道馳

駱駝如水赴壑入諸口

古北張家殺虎諸
口皆番部貢道也

天邊見

山不見樹空傳三疊歌楊柳穹廬劫停日千堆各
有畜牧富相醜番僧桃帽黃鞵瑜路旁膜拜合兩
手對面不能通一言始知蘇李爲朋友兩月數飽
左膘羞九日又賜天厨酒跪陳胡舞斤不御肯
以簫韶雜瓦缶迎鑾明日來千官車前喜見關
中叟

埽子頭

有土起川坳我車礙行轍秋草覆鬢鬆盈尺成小
凸呼童欲芟之中有寒泉咽或云凝碧燐風雨不
可滅或云古戰場蝕此壯士血不然酬恩私魏顆

之所結竈火冷千年嵌空留鼠穴我行不數步一步復一跌問訊進山民欲告口已訥太平百年來往事無人說

羊腸河

山削通鳥道流細名羊腸厥廣許徑尺入地一丈強巨靈之所擘一葉或可航渴驥不敢飲低首涎其旁時見猛虎渡瞪眼毛孔張倘遭一蹶陷其險不可當行擬發千夫塞以萬土囊厥功且不易願力付渺茫因嘆填海鳥銜石徒爾忙

恭和

御製多倫諾爾元韻

會獮來藩部

宸懷憶昔時阮侵無善策密遇有

皇師蕞爾先銜璧崇朝遂偃旗土田仍錫號畚藏
盡刊碑黃敎經繙貝丹忱貢織皮永垂喬木蔭長
附女蘿絲述德瞻天筆同仁沛大慈塞垣諸父
老莫作等閑窺

恭和

御製上都懷古元韻

左帶灤河右拂遼上京景物幾沉銷槍竿草白鴻

聲度碣石風高蜃氣消
毳帳屠蘇催夜宴
教坊法曲奏春朝
卽今四海爲家日
偶一登臨詠緯蕭

次和介景菴侍講秋日塞上雜詩十首

雁

羃歷冷於水一聲枕外流
何期南浦雁偏耐塞垣
秋與客誰先到將書寧久留
授衣憐少婦待爾慰邊愁

月

淒絕關山月安知幾歲年
自明將晚候相對未歸
前被冷光如雪山高起似煙
有時成獨酌不覺意

悠然

草

連山千里碧冉冉上征衣
鹿過香塵軟蟲鳴露氣微
胡兒眠更穩塞馬嚼偏肥
昨夜霜初染皇程及早歸

花

名漏嵇含譜秋花色最奇
爛開氍帳外亂插膽瓶宜
自抱洵芳質真成獨賞時
呼童多採擷移種補疎籬

蟲

絡緯催刀尺哀鳴秋樹根飛飛閑白晝唧唧近黃昏
昏揮去連燈黑撲來似雨繁邊愁容易感爲爾一
銷魂

雲

塞雲不自守變態極秋天勢湧千羣馬陰低萬竈
煙雨來山不斷晴日草猶聯畢竟無心物隨風落
半巔

山

誰將幾拳石終古今人迷羅列天邊遠排空馬首
齊陰晴多變幻秦漢有輪蹄對面偶然事扶筇可

香林齋詩集 卷十一
一躋

水

大小雙遼水灣環到此微汲烹沉貢茗問渡濕征
衣飲馬無胡騎經秋照夕暉垂竿餘興在那有釣
魚磯

樹

歷歷關外樹悠悠行役心有時遮路斷無處不陰
深帶雨濕征旆連雲失遠岑最宜當午坐散誕豁
吟襟

雨

黯黯收旌旆先秋遞早涼
戍樓燈易暗客枕漏偏長
入幕隨風急侵衣帶草香
朝來聽衆壑汨汨瀉

羊腸

河名

恭和

御製進張家口元韻

獵罷回

仙仗雄關護紫煙鳴笳

清蹕近歸雁

遠旌連門戶朝雙闕風雲挾九邊迎

鑾來塞上

童穉亦歡然

北平爲北牖梯級擴天階
塵市通諸路丁男少雜
差揚威如電迅沛澤與春
皆黃案家家設香花上

翠崖

時節重陽後添衣趁薄寒雲低留雪竇風急捲霜
花遠水侵沙白朝暎染壑丹射鵬千里外立馬一
回看

祖烈承家法天心鑒混茫九泥因險設剖竹爲勲
償昔受羲圖綠今瞻堯屋黃塞田牛正滿望氣

識當陽

古塞上謠世治則歌
曰陽國南門牛滿田

晴色入高秋羣峰玉色浮勤農勞問訊綏遠在懷
柔牧事同民事德郵如置郵萬方皆在宥豈獨爲
邊籌

沈閣學

德潛

乞假還吳門

御製五言長律賜之尊奉

旨贈其先人如其官

復

賜詩褒其孝行既成出內府金以飲稽

古之榮千載罕遇同朝紳士洎輦下名宿仿

唐賀知章還四明山故事咸賦詩贈別

羣得

五言古詩一首

帝愛德潛德

繹詩成句御製

我美歸愚歸七十成進士

猶及贊綸扉綸扉得清暇剡紙明如砑中使傳賦

詩繙水十行下

上方重真儒顧問日無虛如魚既得水胡乃賦歸

歟歸歟非耽隱臣心自可憫先人尚淺土跪陳汨
已潛

天子允所請作詩寵其行人言季真後復見此老
更時秋爽初薦大宴 涵元殿一百八十人簪笏
集羣彥饌登樂具止禮成還 賜酺手舉白玉醴
曰爾來飲斯殊榮難遍及見者如身被流傳千載
慕何況還鄉里鄉里聞君歸各各有餘輝賤日豈
殊衆貴時方悟稀兒寬鋤帶經武功薪照字寄語
下帷人慎勿中道棄

恭和

御製正月十六日奉

皇太后瀛臺看煙火卽景燈詞元韻

光徹琉璃月萬規香塵不動綵雲垂人言蓬島三
珠樹一夜全開太液池

榮謝春秋妙轉旋鼇山風物自天然火城不夜光
如畫結得祥煙煖玉田

雲依黼座接三珠斗昭回萬象明莫道窮檐
春寂寂恩光火速到茆衡

內侍傳宣七寶茶蓬壺亭榭屬仙家初疑響遏雷
驚蟄忽地光廻電掣蛇

晚傳 法駕上春臺

金母歡乘玉輦來
爛熳天花紅錦裏
松筠秀出綠瑤璚

掛定千枝浸月光
霏霏霧散淨便香
蜃樓海市何曾幻
萬竅空中自翕張

福字箋呈箇箇真
喧闐曲獻羽衣人
丹霞排出三山路
琪樹長留天上春

綵仗新移駐 禁林薄寒料峭正輕陰
春前瑞雪曾三見
麥隴家家倚作霖

謹堂尚書令嗣最初就婚毘陵詩以志喜

綵衣詣別爲南行潞水秋風一帆輕未老雙親看
舉冠同官執友話前程文心自有江山助學識還
從遊覽生計日女紅添線後香車填擁好相迎

奉勅題返照入江翻石壁歸雲擁樹失山
村圖

劍外垂長虹澄江漾秋霽雲歸峽氣浮日落霞光
繼青嶂倒芙蓉白帝隱埤堦暮色澹容與遠景互
虧蔽杜陵本靜者孤吟感淹滯

至人千載期真賞自遙契侍臣北苑才傳神入空
際巫山窮一髮楚樹排萬薺遂使棐几間坐挹瞿

塘勢爽意發書堂捫參舉清袂

題鄒小山大廷尉懷西圖冊子

古跡莫盛於秦中余記雍正九年奉使入
關足跡所至幾遍兩河距今十有八載夢
寐遊歷未嘗不在華陰杜曲間也小翁出
懷西冊見示展玩之下如逢故人悠然久
之并綴以詩

憶昔奉使日匹馬遍關右弔古或憑眺訪十時一
有曲江麥秀深輞川虎跡守渡渭探茲泉不見磻
溪叟月下步臨潼閣道醉村酒渴買邵陵瓜狂呼

衛博偶歸來踏金華有夢到隴首隱隱舊題處一
髮數某某鄒君山水癖清絕淨塵垢作圖紀昔游
真意自討取嶽色與河聲一笑落君手詩成綴圖
末聊以當敝帚

次張司寇韻題伍逸園先生清秋讀易圖

講易易乃晦騰說費齒牙誰能握算布來測恒河

沙宋志二百十

宋藝文志易經
二百一十三家

所見各瑜瑕祁陽

隱君子理數薈菁華叢桂香滿岫芳菊英被涯研

朱領秋爽五弓自名家

先生所著有周
易會通五卷

曾揮輔嗣

塵偶揖堯夫車刮垢淨心鏡樹義發道芽湛然在

胸次不遣纖翳遮奈何媚學子執象徒紛葩

送延清總憲之漕帥任

萬檣移處錦帆飛卿月聲名近紫微官職分明似
陽雁一朝北闕便南歸

使星玉節駐河干觀象都占五緯寒到日小山叢
桂好天香入座待劉安

贈崇如孝廉隨漕帥公任

瓊瑤盈握比清詞豈止逢人說項斯絕世風姿遺
世立始知不染是牟尼

高舉會見湧青雲鶴步珊珊自不羣封陟良規仙

籍在多情應笑上元君

帳篝墨色坐宵分
官閣餘閑手擘芸
我老無聞慚
陸贄終當俛首退之文

張晴嵐閣學輓詞

對策當年天下聞
况兼妙楷有顏筋
殿中執事隨
諸老親見

恩綸下五雲

由來絕技授天公
世世僧繇在掌中
猶記絳桃題

識好半晴無雨又無風

晴嵐初榻管爲余作折枝桃花余題詩云願咒此花

長供養半晴無雨又無風即驚悟云余畫信以此詩傳矣雖然世安有長供養哉斂容者久之

宮壺聲應讀書聲日日肩隨似弟兄樊記劉詩初

讀去聲

出文從字順悟盤庚

晴嵐初直南齋曾舉古人詩文中至詰曲聾牙

者數種屬余句讀朗誦數過輒言於余曰吾少時謂盤庚難讀今則見爲不然始知退之文從字順之說非欺我也

十年元老 禁中趨接武丹墀當杖扶從此青藜

長在手人乎杖也那堪呼

天家寶笈與珠林鐵網收來萬丈深一自品題歸

藻鑑人間魚目任浮沉

小會方壺九月天南皮公讌繼前賢元瑜公幹才

都盡一番登臨一惘然

晴嵐小方壺落成文敏司寇會與余小飲今與晴嵐

先後下
世矣

扈從輕程話別離西郊疎柳不勝垂誰知早定千

秋訣馬上征袍握手時

香山便道走送不值行至中途則晴嵐衣短後衣乘

駿馬從賜園歸席地握手遂爲永別

梓潼曾現宰官身國瑞家榮證夙因欲識它生真

面目南臺應有乞齋人

用清涼山事

春正八日同汪尚書魏侍郎齋宿卽事

清嚴公解似茆菴暫却官文作夜譚春早挑蔬纔

數七歲寒求友恰成三金蓮雙照傳官蠟

是日謹堂尚書

賜宮燈

雙枝玉液餘涼擘賜柑散步空庭新漏下迴瞻

珠斗柄初南

奉

勅恭擬

和敬公主花燭詞

禁城桃李着花穠
百兩來迎禮肅雝
燈引金蓮移晝永
月頒牙管浸春濃
宮中

堯舜傳家訓
塞外蘋蘩拜女宗
一自相攸循令典
名藩錫慶荷崇封

題慶雲溪所畫山水長卷

萬疊巔屹天曰
下門迴互方洲他日菟裘此地憑

君借取前邱

僧未來兮有約鶴
歸去矣無蹤爲是客從暑路雨
雲忽起晴峰

香樹齋詩集卷十一
五

香樹齋詩集卷十二

嘉興錢陳羣集齋

歷代帝王道統圖讚

伏羲龍馬負圖

道統開天遇聖而授設位成能立極惟后丹圖五
五羅星錯繡蓄秘儲精神物孰冠河流渾渾龍駒
昂昂赤文綠甲背負騰光攷序作卦觀變陰陽文
辭未立理蘊已彰

神農遍嘗百草

帝念蒸民得生而樂教畊耒耜濟病醫藥二儀變化蕃庶藂薄鞭之以赭有長無落氣均大地數應周天五華二實性別形遷辛溫克調瘠癘斯捐人心和平壽考永年

黃帝畫井制畝

繼神農氏黃帝垂裳因民耒耨肇域井疆披山通路省下土方四道八宅民居以康步測章亥數推緜首師兵往來原隰左右冕旒相度蓑笠奔走百度漸興經始隴畝

帝堯欽若授時

惟天爲大惟堯則之敬觀懸象授民以時義和旣
命璣衡迺窺分至中星是正是推三光揚精五氣
順敘民無憂患燥濕寒暑作息食飲樂恒安處問
帝之力何有於予

帝舜鳳儀麟舞

玉瑞旣班琴絃斯撫九成簫韶兩階千羽應律風
平諧音石拊磨鳳爲寶來儀率舞羣后至止虞賓
在斯揚帝之華典樂惟夔敷教行賞象刑方施薰
風自南恭已無爲

夏禹隨山刊木

禹敷下土四載是乘決濬因勢力靡弗勝爰暨益
稷功能克承祇台之德不伐不矜旣道山川乃定
貢賦錫圭告成賜姓表胙百神用饗民宗度數惟
日孜孜惜陰成務

后稷教民稼穡

有邰之興際唐虞夏厥有相道匍匐知稼堯舉農
師民力迺藉嘉種是登陳常贊化險阻旣遠民居
方夷奏庶艱食布物土宜粒我億兆以慰其咨肇
祀嗣歲以迄於茲

成湯網解三面

武湯正域克寬克仁若蚩惕罪視水懷民出見張
網與物同屯曰爲更祝溫然陽春爰釋三方用驅
一面高下左右惟欲所便失禽不誠聖德始見漢
南諸侯聞風歸善

殷高宗夢賚良弼

彼築者誰衣褐帶索芒芒虞野風雲寥廓殷王恭
默景命睠毫賢臣入夢不迂而選用作霖雨爰起
胥靡天同神比孰左右之惟爾納誨庶其輔台克
紹乃辟殷祀永綏

周文王發政施仁

聖人之仁物無不愛急先務者澤必下逮惟此無
告萬狀千態我覆育之勿令終廢至哉西伯化被
六州振乏宣滯敷政優優枯骨瘞矣孔邇求矣維
岐之治實啓有周

周武王訪箕衍疇

天以一清厥朔生水禹順治之九疇是矢推行增
益實惟箕子書不盡言與圖同旨衡縱十五會于
中央錫福者后建極者皇訪于商考周祚用昌彝
倫攸敘治道大光

周成王卜年定鼎

武登幽阜實求天保三塗嶽鄙顧瞻周道爰審維
伊天室載考公旦攝政業隆襁褓自周朝步命召
經營乃卜年世兆食獻仵鼎定郊廓和會休明二
誥旣成越裳是庭

漢高帝太牢祀聖

孔子至漢二百餘年藏器習禮魯邦世傳高祖過
之太牢祀焉令諸從政肅謁必先維至聖道其大
難譽後世追崇典禮彌著初隆釋奠戎器猶除馬
上治之斯言殆庶

光武錫封褒德

漢哀平間密令卓茂舉善而教子民恐後病免歸
歟鐘鼓孰右光武卽位重賞首購命就太傅錫之
侯封克獎循良迺靖煙烽雲臺濟濟車服酬庸茲
先論德百爾益恭

唐太宗屏書刺史

漢二千石唐之刺史畀以化權用致上理苟非其
人政亦撓髡虞廷考績黜陟臧否太宗君國實重
此官屏書姓氏聿求乂安安民要矣知人則難風
移俗易史艷貞觀

宋太祖洞開重門

既定荆潭亦克岳朗揆日作宮民應如響營宇有
制仰師誅蕩豈居是崇實心克廣爰坐寢殿令開
諸門如方寸地寧莫余捫端直通豁反側以安惴
惴危微千聖同源

恭和

御製欲雨元韻

雨意看方作

皇情覺轉切一誠惟獨注勝慮若爲韜屏翳應廻
馭豐隆庶可勞天心知感召此際仰恩膏

恭和

香林齋詩集 卷十一 五
御製雨元韻

來兮如墜勢如傾檐溜傳聲接萬楹起槁圃生同
菀乳添波入漲孰量衡望中野色沉逾濶鏡裏山
容濕更清便勅園丁課分數蒔花盆盎一齊盈
天漿濃郁一中之天貺明昭此受貽早見周原歌
旆稷定由大澤作鱗而三農沐浴歡騰日五夜精
勤默契時賡和

宸章同志喜憂勞先許近臣知

恭和

御製玉甕歌元韻

山凝川結神工訖黃雲紫氣飛丹闕異寶傳來五
百年太平重見古法物當時蘊彩驚殊方良工尋
脉鏟石骨妙理包藏江海形瑰質翻動神仙窟洪
漭全疑接混茫寂寥中似含軋芴雕琢始覺靈怪
集廻復仍與潮波汨呀然巨甕玉所成大美不向
谿谷沒廣寒宮殿起光華山巔坐共瑤峰屹洞駭
心目迷營魂但見瀕溶爭呵噓蚪螭盤拏動杳冥
龍獸雜遯紛翕歛大爲鯤鯨細瑣珞奇則螭蟻劣
螭蚓天輪激轉不可膠地軸挺拔猶盪突居然島
嶼辨方壺豈須畱畧出鱸鰕渾淪知有元氣含深

宵寧慮神明鬱曾聞寶甕紀軒皇丹邱來獻隨圭
黻又聞銀甕常自盈未信刻鏤具滷渤義如鑄鼎
示方州俾民安處無隍杙依稀齊浣貯黃流想像
瓊華生蓼蔚幾時淪落足埃塵一旦搜羅更洗拂
承光別殿敞高明積翠堆雲瑞鬱勃移從道觀登
朱堂如離草莽膺赤韞雲濤海馬盡飛動負以力
士來伋伋輝連蓼井映綺葩何似茅簷藏楫拙漫
疑致用等粟罌頗若尋踪求獵碣頓還舊觀欣
聖明玉質無虧足未用 法宮自愛發幽潛大器
終非虛剖劖燕竿紀甌何足珍位置妥貼謝倚扣

一物失所

聖攸惜玉甕深幸逢時不歌成載拜誦

宸章

臣也蹉跎益慚艱

和從姪益翁歸來詩原韻十首

束髮相依四十年各將踪跡問山川一麾乍擁灘

江月匹馬曾衝南浦煙

益翁出守柳州適余奉使楚南時也

王粲風

流真放士韓湘骨骼本神仙卽今都荔鎬鄣路猶
說清貧太守賢

懷人遠思託薜蘿吏局勾留似責逋苦少平反清
案牘更無心緒憶萼鱸寒蟬吸露聲逾咽獨鳥依

雲意自孤一笑翻身萬里客居然拔宅到南湖
小醜狐跳凱里西月明烏鵲有驚栖監司督餉勞
蘇爨酋長輸誠忍貳攜銅鼓戈鋌消夜雨石屏禾
黍動春犁頻年師命因難請不爲青真便作梯

數椽老屋廢村墟曾約比鄰卜近間籤帙家藏應

好在

余移居郡城家事惟

三

盆松手種可曾舒

隣叟遺盆松一本植

聽事西閨已成陰

夢圓却寄歸田詠下直頻看

墮淚書小縣城隅規十笏天留庾信晚年居

碧梧老桂已先秋漫與詩章自唱酬羣從四三來
執手年華七十正平頭選辰合藥春長駐防老抄

書嬾便休官職聲名全盛日息肩從此更何憂

林棲最好是清時把袂誰能寸載遲

益翁長
余十歲

入會

洛中虛末席勸經資政作明師籍咸南北稱同調
廣受田廬許並馳鴻爪且教違出處惟將強飭慰
相思

我更老懷牽弱息得依家督在江鄉劇憐幼妹同

兒女差喜隨時問燠涼

程氏女孀居鄉曲
益翁時致撫恤

游戲丹

青添畫譜扶持松竹遶書堂經年不作春明字近
局招邀有底忙

先祠荒草委庭除辛苦鳩工斷手初忠魄千秋長

安祀勞人百口未寧居

先太常顯忠祠在縣治西明萬歷中勅建歲久剝落

益翁初歸卽爲葺治邑侯王君題額曰理學名臣而屬陳羣爲記

署題榮借長官

筆作記慚無明允書收族况聞資舉火稍分奉入

拜 恩餘

頗聞廉訪別牂牁官吏兵民遮道多政蹟十年留

片碣歸心一水送輕舸閒尋霜嶺看紅葉緩步煙

郊坐綠莎詩法老成凋謝盡那從辛苦覓陰何

秦駐峰高枕古塘由來海國意蒼茫撼城潮響初

難慣供客時鮮儉不妨雨課晴量從保社春鷓秋

蟀應宮商無能最是閑中味消受昇平歲月長

拱極城

又問盧溝渡初程出近郭車書聯萬國雄壯衛全
都老怯風雲色遊驚歲月徂暫時拋案牘散誕不
能無

恩惠寺

紆步訪蘭若清風自爾期前朝資福地過客納涼
時瓜蔓垂秋實藤蘿上短籬蛙鳴官柳外試一問
公私

過新城作

牽牛花開露未晞牽牛花合日正威花開花合自

有時看花試驗官程期淙淙溝水雨初足時有村
婦鳴機絲青錢十千買黃犢活計及早謀秋犁方
今民風正熙皞臨軒

聖人猶周咨我昔校文此行役足跡所至環京畿
舊時官種如拳柳今見柳樹皆成圍堠旁老卒曾
省識餉以秋瓜前致詞官人頭白不歸去過都歷
塊終何爲橋南逆旅復止宿呼童汲水漚生衣衝
炎南去四千里明朝上馬晨星稀

新城曉發行十里登舟至雄縣用蘇穎濱郭
熙橫卷韻

昔宋設險張外屏白溝諸淀遂得名時秋積潦赴
巨浸建瓴勢挾千瓶傾捨輿緩步上小榜露華潑
潑襟袖清野鳬導前笈簪後能不一笑遺簪纓河
水斜抱官路直沙觜亂齧漁舟橫天公似解行人
意夜來行雨白晝晴織葦作篷不蔽日當頭河漢
垂空明回看大道馬鞍沒居然一葉能長行故人
作宰近瀛鄭撥遣臺隸來相迎須臾停橈泊古汭
水光隱隱搖孤城却從意外得清泛援筆記此編
南征車磷磷兮馬蕭蕭白蘋紅蓼秋風生

任邱代柬邊鴻博

連寶

邊生卧瀛海相賞抵璠璣好賣文園賦曾懷光範
書雨中行旆濕雲外幽人居執手終成阻何因一
起予

交河道中

曉行頭上濕雲停半晌天高散積暝沙路入空連
水白柳陰如翠落衣青雁排新字先秋到蟬送殘
聲助遠聽馬頰千年禾黍外閑尋故道又來經

立秋日廣川道中作

談經董子里南望指鞭絲天上三星正人間一葉
知禾頭風信入蓼節水痕移古戍朝暾裏聲聲畫

角悲

棉花

江南種桑樹濟北多棉花陽坡種千稜雜以邱中
麻白如白雪白紅者明於霞黃花如葵大鶯兒毛
片望寒女不插髻採摘不忍加承風復承日開傍
行人車宜晴不宜雨雨多便嘆嗟秋來成百穀烝
民粒其家此花非碩果不食無等差女紅終古利
非爾體曷遮補此萬寶缺厥功同女媧王稷見之
拜攄德頌無涯

孟廟二詠

天震井

三井通賢關海眼時一豁遙遙數千載洙泗有津
筏不知自何代孟井智且失我朝聖學彰幽昧
靡勿達異事碑版傳靈物父老說云記童孩時康
熙年十一麥秋舉報賽餅餌薦香飴有雷來震之
空際霹靂出但見庭東偏水上響濺濺天然露一
井古甃甃不缺淵乎百丈深冬夏無漲汔至今逾
六紀順利不須渫護以白石榦覆以青松樾我來
瞻廟貌小縣駐行轍一畝清我心再畝厲我節滌
蕩信可資我老敢自汨

古栢

掘衣下東除古栢端以正其高二丈餘其周四圍
徑其槁也非死其頽也非病黑如墨色深直若筆
鋒勁苔蘚無因依蟲螳絕熏烝去華芟繁條處默
全本性厥右一臂信如鐵欲指佞一枝露生意孰
可窺究竟傳聞二千年相傳元魏時所植閱世凡幾更浩
氣或所鍾不爾誰使令神聖有臭味徃徃寄陶泳
孔楷周則模茲豈其季孟拱立一歛容穆然自生
敬

鳧嶧道中

雨餘朝靄散輕煙山勢河聲斷復連山勢走如雙
駿馬河聲清比七條絃

沙河故道凡七在百里內

嶧縣渡水

衝波欲濟水幽幽十里潢流過馬頭臺隸爭先趨
短筏兒童頻報濕征裘早判星使程難定博得農
家歲有收不是天公誰主宰居人歡喜旅人憂

彭城道中見秋燕

笑他秋燕少寧居又伴行人到北徐故故受風飛
不定微微霑雨翅還舒雕梁杏館新雛在草閣江
村舊壘虛同是天涯寄踪跡那禁立馬一躊躇

徐州懷古

長陵坏土夕陽中古廟惟存黃石公未許山川成
割據官將成敗失英雄斬蛇溝壓輪蹄跡戲馬臺
荒禾黍風萬頃洪濤秋雨夜至今猶撼楚王宮

柳前鋪曉發遇雨過呂梁洪新橋作

雞鳴山下雞亂啼雞鳴山前雨正飛片雲墨黑無
道路石橋泥多滑馬蹄橋東古寺白板扉以策叩
之應者稀下馬入門門徑微槿花雪白光離離東
方將明雨腳散欲尋舊路意轉迷馬上河聲拍岸
響長虹十里如金堤居民赴墟上早市估船停櫓

供晨炊呂梁自昔稱極險趨河入海爭東馳銀鞍
超越萬馬驟縱有舟楫將安施

皇帝聖德利永永行人喜見廢政治我來恰值功
成時龍螭鼉鼉看新碑

臨淮旅舍

臨淮縣樓下淮水到三條蟹舍連牀腳魚罾挂柳
腰編茅成閭市排筏作浮橋夜半飛商舶隨風引
洞簫

晚稻

誰家栽晚稻望雨不嫌遲一日千圓看將齊未秀

時老夫憐幼子慈母乳嬌兒
穉穉秋畦外涼風恐後期

吳牛

淡墨烏犍老人家養作奴
幾間茆屋外一幅水村圖
行任鴉兒啄歸鷹稚子呼
可知入楚尾風俗近三吳

鷺

瀾雪成毛羽全身孰與同
瘦因辭彈射逸可遠樊籠
柳泚宜沾雨蓮塘亦受風
偶然寄高致引吭入雲中

廬江懷古

天桴城上一星高不問逡道與橐臯才士空攀曹
八斗健兒猶罵趙雙刀新鶯語咽船沉遂冷燐光
埋巷戰袍還有含悽小吏港春深欲訴夜嘈嘈

浮槎山

何年天上賜浮槎增影空中擁鈿車寒女卽今脩
佛事夜深扶拜海榴花

弔龔尚書墓

鏡具昔千里詩家此一燈嗟余生晚近而髮已髡
髻異地歸王粲同時拜李膺風流餘事在秋草下

韓憑

自舒城至桐城看山作

道出舒王城仰面得真觀石橋仄逕通官路趨山
右路轉逕稍寬屏嶂列衆皴山谷送清妍巉巖露
寒瘦行行忽無路萬竹塞其腴時聞秋泉鳴漈漈
山田後茆屋十數家隱隱依古堠卽此豁煩襟敢
期他日又柰何山居民視若等苑囿日涉且云疲
生理徒貿貿不知改歲時惟覺長年壽明朝復登
陟再挹龍眠秀

小池驛和壁間韻

行來何處白沙峰馬首時時見萬松但聽秋蟲
下語更無古衲竹閒逢過橋泉韻流寒筑出嶺雲
衣護遠鐘迴轡斜陽別天柱煙鬟紫翠自重重

楓香驛次靜山侍御韻

入山身在白雲鄉複澗迴溪問野航瞥見新槽
酒熟始知小驛是楓香夢回郢尾人千里月滿樓
頭雁一行馬上閑情數秋草露葵開老尚當陽

停前驛題壁

夕陰滿院訴秋蛩試筆旗亭墨未濃樹着刈禾衣
穠穢墻堆薤草髮鬢鬆山依斷澗開樵路寺擁歸

雲失鶴蹤寒女不知關塞冷但將刀尺答村春

嘲坤一

沙泉清淺自淙淙古廟鐘聲正午擬馬背槽騰猶
未醒不知已渡二郎江

黃梅旅宿

斜陽平野黃梅路種秫家家引水門地坼九江開
遠勢山留雙衲結靈根秋高巫峽音書斷弟界之
官歸州
兒汝隨隨任
所未得消息雲擁匡廬氣象尊今夜夢魂歸楚尾
不知何處覓芳蓀

山行

巨靈何年擘此萬疊山山下何人熟此千里路路
轉山迴自接連泉聲十里五里相奔赴天開平地
作膏腴春收便入秋來賦小者爲縣大者州雉堞
遙遙隱煙霧長官見山不愛山山農戽水無朝暮
暮暮朝朝無盡頭農要盈箱官滿庫我行十日山
下過古戍危橋幾回度馬上看山不計程興來下
馬松間步龍眠山天柱峯乞身倘許充山農男耕
女織供殮饗老夫看山日日扶青筇

潛山

一峯高插天旦晚呈異景綽約青螺髻突兀古佛

頂嶽空瀉玲瓏瘦削復嚴整晴雲出山腰五色艷
於靚騰踏如奔馬到此不敢騁衆峰屬吏承受轄
伏管領行人百里外仰見立而挺此而以潛名其
義未深省潛水經其下作鎮界吳郢或以水名山
動者根於靜涪翁讀書處千載猶一憬安得繼此
風竟置田二頃放竹千萬竿翛然寄高迥隨手對
一山舉杯日酩酊

贈馮靜山侍御

君居翰林曰夙具汲黯志言路看翱翔往往樹清
議昨者明詔承同典豫章試後先出國門驚馬

導神驥遵塗歷廣川問渡截淮泗是時秋雨餘百
川灌溝遂泉源脉方瀼濟流不伏地千里礙行轍
跋涉靡勿備本無投鞭衆亦寡囊沙智有時坐大
瓠結繩以代轡有時上連岡行里倍三四出險便
思君入險則惴惴行者旣如此居者復何庇上官

言

皇仁閒亦飭諸吏周原詢咨諏惻惻終引婢對飯
不能下夜亦不能寐浹旬渡黃河漸得安旅次僕
夫泥腳來曰君驄馬至我喜出相迎各各憫顛顛
袖中攜新詩勤懇多况示讀至行李艱使我心復

悸末陳民間疾實可中設施彷彿鄭監門能無感
風義

渡潯陽得舍弟消息已於十日前挈隨兒西
去黯然久之成二絕句

潯陽江水碧鱗鱗簫鼓聲中渡遠津不敢推篷向
西望秭歸今有未歸人

帆檣如織馬駸駸極浦秋煙不可尋萬種離人萬
行淚算應祇有此江深

琵琶亭次韻

尚憶潯陽送老年偶翻一曲教坊傳名心自付青

山本綺語應皈白社蓮賓從同時來置酒星旌斜
日此停船放歌楚些招居士江水無聲月在天

東林寺和王文成題壁韻

下馬登山踏秋草路入東林覺秋好處士高僧跡
已塵廬山面目何曾老石罅寒筑泉聲哀酌泉仰
看芙蓉開天池拂水落天半餘噴似逐清風來出
門西去重回首今宵且醉山村酒醉中猶認壁間
題龍蛇生動不可朽故人高閣虛中庭

中丞開公遣吏來

采芳遲我江之汀夢回記上爐峯頂北指恒燕一

髮青

渡潯陽江經廬山至德安次香山德安趨潯

陽韻却簡柱川太守

侵晨薄潯陽煩慮始一展廣川利泛涉層巒揖清
緬穿石水紆廻出岫雲舒卷攀危倚僮僕攬勝去
帷幪西崦竹逕封東林碑字蘚登頓信云疲散誕
乃忘倦山程延信宿茆屋就偃蹇復此遵修塗仍
欣開別巘村稠市稍喧礪路初轉通津俯金帶
古渡歷敷淺稽圖豈遂遊托志聊紀顯凌虛馬蹄
蹴窮皴吾目眩題詩報故人卽事得幽遣

喚渡亭次韻

沙頭驟馬白於銀似向西湖去踏春喚渡亭邊飛
一葉雲居山外問雙津縠紋綠淨誰能唾龍井芽
香乍可親我是江州老司馬暫將翠黛着官身時余
乞假將還浙江

楊柳津詞二首

美人入空際解珮遺蒼瑤化作一溪水楊柳垂長
條

青溪折楊柳露下沾衣裳相送不相語洞口逢漁
郎

山下渡曉發

江流闌入抱雲居水色山容玉不如一幅硬黃留
粉本雙崖空翠潑林笳船頭霍霍衝波鴨沙口蓰
蓰挂網魚下馬添衣來問渡晨晞浥露小涼初

陪蒼崖叅政前輩小飲次韻

慣說秋風古戰場如逢農叟話耕桑由來芳草憐
遲暮自古佳人易感傷岐路清聲追兩漢錦囊好
句續三唐次公藉甚風流在官燭尊前底事狂

十四夜作

漏聲鎖院夜初深簾額微風散水沉鏖戰三秋誰
拔幟含毫萬舍苦投鍼豈無照乘先流彩自有焦

桐要賞音仰見百花洲上月青銅磨出鑒余心

十五夜喜雨畫壁遣興漫題四絕句

晚涼散步到庭閒鏤院深沉似閉關一陣天香簾
外落江雲銜雨過西山

黃柑貢北有飛艤分 賜年年拜一雙今日定篋

盛顆顆

中丞開公
餉柑十枚

先嘗特地到章江

老眼重揩最易昏百花洲畔擷芳蓀夜來不作持
螯興郭索聲傳秋樹根

每逢佳節感鬚髯饋遺賓筵雜俎肴童僕兩三無

賴甚飽分餅餽剝紅菱

方伯觀察諸公頻餉時
鮮悉圖於壁以志其意

榜發後登明遠樓見百花洲上有被放者徒
倚水濱若不能歸者愀然有作用涪翁詠李

伯時韓幹三馬韻

何人澤畔頭低垂絕似病馬脫韁絲此時相對風
前葉昨日自許囊中錐暮雲欲雨且不雨西顥隱
隱如駒馳駒馳况復看火馬衝泥報捷誰能羈貧
女何堪老不嫁將軍自古歸數奇幾家博塞呼五
白孤夢逐雉終成雌三十年前曾下淚今日登樓
一見之芳蓀被逕不可採吁嗟不如敗鼓皮水邊
人哭人不識樓上人愁人不知惟有廬陵老居士

目迷五色真吾師

附和詩

金德瑛

妙技爭誇和與垂
閭中得失千鈞絲
一朝榜發歎自嘆
默默愧此三寸錐
聖朝選士命歐陸
冒暑六月鋒車馳
正當珠玉搜仄陋
肯以糠粃輕孤羈
須知蕊榜有定命
一士數偶百士奇
長途弗與整秋駕
故里還復烹伏雌
爾方倚闌意何似
公已遠望默識之
文章公器宜自反
洗濯骨髓寧毛皮
金針度處誰共喻
馬首噪者或無知
如得其情矜勿喜
公之衡文真士師

重陽前一日同諸公晚出至公堂觀屏風所
刊

御製題貢院詩遂登明遠樓用韋蘇州郡齋雨中
與諸文士燕集韻

列棘撤深院晚桂敷叢香樓高延江氣衣薄怯池
涼執事方散去紆步迴公堂豈惟適眺聽於茲覩
時康鱗鱗別號舍辛苦誰能忘以人有同趣感遇
皆親嘗右文攄令德煌煌垂詩章思通風雲迥
勢轉鸞鳳翔洪都磊落州聲教何洋洋凌虛發清
唱永言表南疆

彭樂君方伯黃訥菴觀察蔣肇子施棠村兩
副使李仙蟠叅政招同馮靜山侍御開靜菴
大中丞金檜門學使高魏公總戎讌集百花
洲賦謝二首兼以誌別

雅開餞席問蓮塘落日秋陰上女牆檀板能催文
字飲金魚多帶菊花香風流勝地誰相繼事業名
山可許藏緩步石橋尋仄逕添衣爲領晚來涼
陶然隨意坐苔斑爲政寧辭半日閑如市臣門無
請乞依雲仙館有追攀柳枝全解歌人舞楓葉先
侵座客顏明發船頭叉手立多情難別是西山

登滕王閣

曾聞修竹掩空亭興廢千年亦屢經
畫棟月明迴北斗珠簾雲淨展西屏
無窮煙景成朝暮有數詩篇寄性靈
滾滾長江留不住當歌對酒莫教停

廬山桂答白太傅卽用其韻

物生各傳地命之實由天天公但隨地無意於其
間如魚必樂水飛走各依山匡廬毓靈異能使桂
樹鮮不聞芭蕉卷禪理叅牢堅高松倚幽澗菁蔥
不計年其種遭蒸爨焉知幾萬千荔子堆滿地狼
藉陳家園豈無一顆貴紅巾貢御前

口占贈彭樂君方伯

紫薇堂上紫薇開爲國求賢集鼎台歌徹鹿鳴成
禮後故人踏月會重來

雲龍踪跡問山川畿輔同官又十年昔日於菟今
抱子論交三世在燈前

樂君方伯以文待詔詩卷見示並餉酒肴卽
用待詔排律韻題於卷尾

晚遊步履佩珊珊初地招尋似舊諳風阻扁舟仍
內北詩傳橫卷自江南停雲清事勞相况務觀前
身定不慚

待詔嘗自謂其
詩從放翁入

雙榼挈攜教獨醉一時

披拂續宵談夕陽渡口明霜葉遠帆波心掠翠嵐
此去山程先蠟屐來朝祖席又歸驂謂靜山侍御還朝
干有客方持竿會上羣真正盍簪是日爲樂君五十二歲生日
遙聽紫薇堂裏曲春鶯嘒嘒燕喃喃

江行有遺千里鏡者笑而還之并繫以詩

修筒截三尺鑿孔兩相對枵然虛其中冪以玻璃
蓋鏡物無蔽遮千里納一芥我所欲見者乃在千
里外形骸來隔之非爾所能屈我所易蔽者几席
自生礙爾旣驚遠覽何以獻善敗多取則近貪求
明則易昧持鏡以致遠毋乃譏蔚蒼譬之窒思人


強之於夢寐其所不見者強半誤唐棣歸鏡繫以
詩聊取刪詩義

呈谿父梁先生

仲子同朝推貴壽長公文筆重螭頭跨驢客自華
山到席帽寒燈話舊遊

星旌喜得近長庚一卷新詩玉有聲天與風流還
與健惟將歌嘯答昇平

不管頭銜與誥身材藜日日去尋春問渠底事忙
如許要替西湖作主人



強之於藝雖其所不見者
詩取則詩義

星慈父楚先生

仲子同朝推貴壽長公文筆重端頭
山到席帽寒山話舊遊

星旌喜得近長庚一卷新詩玉有聲
天與風流與健惟將歌嘯答昇平

不管頭銜與話身杖藜日日寄尋春
問樂麻事如許要替西湖作主人

